


摘藻室詩存

楊幹五

時年
九七



自序

梅州 楊幹五

余一介貧儒，終生筆耕。壯歲執教於家鄉粵東梅縣各中學，先後垂四十年。培育蘭桂，勤栽桃李。課餘以吟詠自娛，類多嗟嘆民瘼，傷時感世之作。片紙殘篇，未加輯錄，多已佚散。

新中國成立後，於一九五二年被延入廣東省文史館爲研究員、館員，迄今已三十餘年。欣逢盛世，更助吟興；得交文友，益增雅懷。是真性靈，乃有新詩作。平生以清風朗月襟懷自持，而以孤陋寡聞爲憾。所作詩詞，敢效邑人大詩家黃遵憲「我手寫我口」之本意，信無矯情虛飾、阿諛奉承之作。并以此引以自勉而已。

今年爲余九十八周歲。倘在舊社會，顛沛流離，饑寒交逼，料早已不復人世。今得頤養天年，爲歌盛世，頌黨恩，乃整理存稿，以「摘藻室詩存」刊印，以期就教於詞長詩家，相贈予親友同學。人生百歲，其欣慰亦不逾此乎？

承蒙賢世侄陳泰元先生關懷勸助，使此集得於在港付梓問世，謹誌謝忱！

總目

第一部份	七絕詩一百九十首……………	1	60
第二部份	七律詩五十首……………	61	88
第三部份	五言詩二十二首……………	89	95
第四部份	詞三十一闋……………	96	110
第五部份	歌七十六首……………	111	131
附錄：聯對、題詞	……………	132	135
編後記	……………		

詩

七 絕

五十初度（十二首）

（一九四三年）

又歷人間歲五三，儒巾一領壓奇男。
半生心力難爭命，如此頭顱祇自慚。
也同逐隊採芹香，秀士虛榮譽里鄉。
奴隸功名何足道，少年革命再登場。
戎裝禿髮氣如虹，民族高潮激盪中。
未敢多違慈母訓，雄心猶對短檠紅。
一雙珠樹秀庭闈，文采風流比陸機。
忽爾罡風吹折翼，寥天孤雁失羣飛。

空林夜聽不祥梟，萱草靈椿次第凋。
每憶辛壬風木痛，蓼莪廢讀效王裒。
家無擔石同臣朔，六口嗷嗷喚奈何。
咬緊牙根磨鐵硯，綺年甘苦悄然過。
戟門曾袖干時策，帷幕常參治世規。
底事未除名士氣，性情終不合時宜。
思從報社播雄談，琴劍相隨渡海南。
客邸棲遲剛匝月，瀾天烽火迫歸驂。
夷氛未靖苦黎元，吏滑商奸壓榨繁。
斗米千金成浩劫，舊痕重憶痛猶存。

剝而則復見天心，軍事頻聞報捷音。
百尺竿頭期再進，和平幸福快來臨。
酸鹹世味都嚐遍，哀樂無端下筆來。
數到騷壇好身手，蕭楊諸子亦奇才。
鶯聲巧囀似珠圓，鈎起春愁萬縷牽。
旖旎溫馨隨夢逝，不勝惆悵憶華年。

喜賦^①（六首）

（一九四七年夏）

蒼茫雲水念佳兒，況值烽烟更繫思！
漠漠海天飛不到，憑欄東望寸心馳。

亂離猶復事長征，迢遞關山粵北行。
敵騎縱橫終脫險，瀰天風雪慘歸程。^②！

疏糲敝衣甘淡泊，大覺學業幸完成。
文壇角逐邀時譽，雛鳳清於老鳳聲。

遲遲一電報平安，半月愁顏陡轉歡！
開到荼蘼春尙好，何妨沉醉依欄杆。

天將大任降斯人，兩度艱危閱苦辛，
百鍊此身成鐵漢，會看雷雨躍龍津。

頻年羈旅別庭幃，久作征鴻萬里飛，
陌上春深啼杜宇，聲聲都道「不如歸」！

註：①一九四七年台灣「二·二八」事變後，奎章兒被捕羈獄，焦慮匝月。後得平安出獄電訊，喜而賦此。

②一九四四年冬，日寇侵犯粵北，奎章兒由坪石中山大學突圍而出，步行半月返梅。

偶閱舊日應課文稿戲題

（一九四八年五月十二日）

文章得失寸心知，不與時流鬥艷姿。
吾口但憑吾手寫，縱橫馳驟自成詞。

和友仁詞長「赴羅浮雜詩」（四首）

（一九五三年仲春初旬）

結念羅浮四十年，夢魂飛越萬峯巔①。

可憐一管淋漓筆，只許鮀城咏木棉 ②。

名士生涯半苦辛，每從苦境鍛心身。
蕭然野服伊誰識，曾是鄉關建設人 ③。

尙憶黃龍萬仞高，攀藤捫葛記偏牢。
醒來試補游山作，好句吟成幾度敲。
煉汞燒丹枉費錢，何須佞佛與求仙。
祇慚口福輸君甚，未飲東坡第一泉 ④。

註：①予四十歲時夢游羅浮，曾賦長篇，惜稿已散失。

②去年春余寫有「咏木棉」詩，一時和者甚衆。

③三十年前，我在鄉里提倡建築公路，成績頗著。

④羅浮「寶積寺」之「卓錫泉」，東坡評爲第一泉。

九曜池邊

（一九五三年農曆暮春）

池邊春暖柳如絲，正是鶯飛草長時。
爲問詞人張子野，可能橫笛譜新詞？

贈廣東省人民政府主席葉劍英學長

（一九五三年五月）

三年政績全民頌，百戰威名四海聞。
處處弦歌禾黍熟，家家絲綉葉將軍。

戲題

（一九五四）

老樹槎枒楊幹五，新枝茁壯麥華三。

新枝老樹同園地，各有風姿播美談。

「憲法」公佈後喜賦（三首）

（一九五四年九月廿一日）

抖擻精神讀憲章，先民血淚寫成行。
剷除剝削蘇貧困，喜見醫人醫國方。
數千年史開新紀，六億人心共一條。
開動腦筋勤建設，蘇聯今日我明朝。
欲挈臺民登衽席，豈容殘寇弄潢池。
紅旗指處壺漿迓，佇看秋風掃葉時。

漱珠崗賞梅

翌日返館學習率成（二首）

（一九五四年十二月）

山頭鍛鍊百千回，萬卉凋零獨盛開。
雪虐霜欺都不管，平生我最愛寒梅。
唯物唯心辯是非，探求真理暢生機。
五年建設新中國，好景如春萬象輝。

和廖嗣蘭老「春酌」

（一九五五年農曆新正）

童顏鶴髮羨嗣翁，涉水登山不杖筇。^①
指日樓船凌海峽，衝冠同唱「滿江紅」。

註：①一九五三年春，偕嗣老因公赴粵北之曲江、仁化三縣調查，下車後，步行數十里，日落天黑，廖老仍無倦態。

重陽佳節小飲北園，歸來率成

（一九五六年重陽後一日）

怡情未賞東籬菊，敍舊先開北苑罇。
此地清幽堪一醉，何須重覓杏花村。
山水流連紀謝公^①，疏狂縱酒阮嗣宗。
斂華抑彩歸平淡，雅愛柴桑處士風。
也曾詩酒侑重陽，惜未籬邊挹晚香。
酒味旣馨詩亦健，啣杯休歎鬢毛蒼。

關山迢遞雁遲遲，偶值良辰憶舊知。
何幸罇前逢暢九^②，教人回味牡丹詩。

註：①指以山水詩獨具風格的謝靈運。

②暢久曾以「咏黑牡丹」詩傳頌一時。

和張友仁「赴京

列席政協會議有感」(二首)

(一九五六年農曆仲冬)

旅途應食武昌魚，六出飛花送客車。
料得明堂參議後，公餘吟興自如如。
松栢青青晚更榮，峻嶒風骨一儒生。
錦囊收得驚人句，留取歸來酒盞傾。

携兩孫遊北秀湖

(一九五七年三月)

越秀山邊北秀橋，當年滿眼盡蓬蒿。
如今闢作公園後，栽得花明與柳嬌。

題「農產豐收圖」

(一九五七年五月)

四望田疇黍稷豐，菜肥薯熟荔枝紅。
傳神更有冬心筆，寫出農民戰鬥功。

題「和平鴿圖」

(一九五七年六月中旬)

甲洗天河靜不嘩，和平使者遍天涯。

遵循馬列長相愛，黑白棕黃共一家。

春節雜咏（四首）

（一九五七年農曆除夕）

嶺南氣暖得春先，梅蕊香濃芍藥妍。

幾處街頭花似錦，註，熙熙同樂太平年。

軍民本是一家人，血肉相連分外親。
共苦同甘能實踐，少買肉食讓平民。
終歲孜孜未許停，喜逢春節會親人。
杯盤豐儉尋常事，難得團圓勞苦辛。
物阜民康黍稷豐，新生力量賴工農。

黃雞白酒家家熟，歌頌歡聲六億同！

註：穗市每屆農曆除夕日，向有花市之設，如槳欄路、上九甫之揚巷，及西湖路、教育路等均陳列多種多樣折枝或盆花，供人購買，熱鬧異常。

和古直老「慶祝元旦」

（一九五八年一月五日）

八年建設正輝煌，報道雄師又下鄉。
指顧山村千畝綠，稻花香逐墨花香。

讀毛主席詩詞後

（一九五八年七月二十日）

豐功偉績人皆喻，戛玉敲金響不同。